



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ZAPISNIK
O RADU 41. SJEDNICE GRADSKOG VIJEĆA
GRADA SARAJEVA ODRŽANE 09.09.2020. GODINE

Sarajevo, septembar 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



ZAPISNIK
O RADU 41. SJEDNICE GRADSKOG VIJEĆA GRADA SARAJEVA
ODRŽANE 09.09.2020. GODINE U VIJEĆNICI

Broj: 01-GV-02-853/20

Datum: 09.09.2020. godine

Sjednica je počela sa radom u 10,30 sati.

Sjednicom je predsjedavao **Dr. Igor Gavrić, predsjedavajući Gradskog vijeća.**

Prisutni su bili sljedeći gradski vijećnici:

1. Prof. dr. Velija Katica
2. Mr. Vedad Deljković
3. Mr. Hazim Bahtanović
4. Reuf Hafizović
5. Edina Gabela
6. Toni Vukadin
7. Dr. Igor Gavrić
8. Mr. Tea Mušić
9. Sanela Fijuljanin
10. Bajro Biber
11. Srđan Srdić
12. Alma Jašarević
13. Adnan Talić
14. Mr. Sead Srna
15. Snežana Omukić
16. Nuko Grebović
17. Almedin Miladin
18. Miro Lazović
19. Miroslav Živanović
20. Barbara Peleš Stroil
21. Nihad Uk
22. Samir Fazlić
23. Vedran Grebo
24. Nazif Osmanović

Odsutni: Srđan Simonović (najavljen izostanak), Adnan Gušo (najavljen izostanak), Denis Stojnić (najavljen izostanak), Lana Velić (najavljen izostanak).

Pored gradskih vijećnika, sjednici su prisustvovali:

1. Abdulah Skaka, Gradonačelnik
2. Ivica Šarić, zamjenik Gradonačelnika
3. Milan Trivić, zamjenik Gradonačelnika
4. Maja Hadžihalilović, sekretar organa uprave
5. Amela Kolovrat, pomoćnik Gradonačelnika za finansije
6. Mila Eminović Rizvanović, pomoćnik Gradonačelnika za evropske integracije i EU fondove
7. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)

8. Članovi Odbora za budžet i finansije koji nisu gradski vijećnici (prema evidenciji u Gradskoj službi za Gradsko vijeće)

Sjednica je započela intoniranjem himne.

Predsjedavajući Gradskog vijeća Igor Gavrić je pozdravio prisutne i otvorio 41. sjednicu Gradskog vijeća Grada Sarajeva, uz konstataciju da sjednici prisustvuju 23 gradska vijećnika, te da su gradski vijećnici Srđan Simonović, Adnan Gušo, Denis Stojnić i Lana Velić najavili odsustvo.

Predsjedavajući Gradskog vijeća Igor Gavrić je otvorio raspravu o Zapisniku o radu sa 40. sjednice Gradskog vijeća održane 30.07.2020. godine.

U raspravi su učestvovali **gradska vijećnica Snežana Omukić** i **gradski vijećnik Velija Katica**, a dodatna pojašnjenja i odgovore na pitanja je dao **Predsjedavajući Gradskog vijeća Igor Gavrić**.

Na zahtjev **Predsjedavajuće Kluba gradskih vijećnika „Omukić-Srdić-BOSS“**, **Predsjedavajući Gradskog vijeća Igor Gavrić** je najavio pauzu u trajanju od 15 minuta.

Usljedila je pauza.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, većinom glasova, izjasnivši se sa 17 glasova „za“, bez glasova „protiv“ i jednim „suzdržanim“ glasom prisutnih gradskih vijećnika (pet gradskih vijećnika se nije izjasnilo) **usvojilo je** Zapisnik o radu 40. sjednice Gradskog vijeća održane 30.07.2020. godine.

Predsjedavajući Gradskog vijeća Igor Gavrić je podsjetio gradske vijećnike da su, uz predloženi dnevni red sjednice, dostavljeni materijali sa izvještajima radnih tijela, koja su održana u pripremi 41. sjednice Gradskog vijeća Grada Sarajeva, kao i saglasnosti zamjenika Gradonačelnika.

Zatim je najavio određivanje o aktu koji je predložen za razmatranje u formi prijedloga po skraćenom postupku, po proceduri koja zahtjeva izjašnjavanje Gradskog vijeća o prethodnom pitanju, i to:

1. Prijedlog Odluke o izmjenama i dopunama Budžeta Grada Sarajeva za 2020. godinu

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, bez rasprave, većinom glasova, izjasnivši se sa 18 glasova „za“, jednim glasom „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je prijedlog da se Odluka o izmjenama i dopunama Budžeta Grada Sarajeva za 2020. godinu razmatra u formi prijedloga po skraćenom postupku.**

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, bez rasprave, većinom glasova, izjasnivši se sa 18 glasova „za“, jednim glasom „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je dnevni red 41. sjednice Gradskog vijeća Grada Sarajeva:**

1. Prijedlog Odluke o izmjenama i dopunama Budžeta Grada Sarajeva za 2020. godinu
2. Informacija o izvršenju Budžeta Grada Sarajeva za period 01.01. – 30.06.2020. godine
3. Vijećnička pitanja i inicijative

Ad 1)

Prijedlog Odluke o izmjenama i dopunama Budžeta Grada Sarajeva za 2020. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrala nadležna radna tijela i to Administrativna komisija, Odbor za budžet i finansije i Komisija za Statut i akte, te da su mišljenja radnih tijela dostupna gradskim vijećnicima.

Predsjedavajući Gradskog vijeća Igor Gavrić je napomenuo da je Komisija za Statut i akte usvojila sljedeći zaključak:

„Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva, Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra Odluku o izmjenama i dopunama Budžeta Grada Sarajeva za 2020. godinu u formi i po postupku kako je predložena.“

Predsjedavajući Gradskog vijeća Igor Gavrić je napomenuo da je Odbor za budžet i finansije usvojio sljedeći zaključak:

„Odbor za budžet i finansije sugeriše Gradskom vijeću Grada Sarajeva da razmatra Odluku o izmjenama i dopunama Budžeta Grada Sarajeva za 2020. godinu kako je predložena.“

Predsjedavajući Gradskog vijeća Igor Gavrić je napomenuo da je Administrativna komisija usvojila sljedeći zaključak:

„Administrativna komisija Gradskog vijeća Grada Sarajeva sugeriše Gradskom vijeću Grada Sarajeva da razmatra Odluku o izmjenama i dopunama Budžeta Grada Sarajeva za 2020. godinu kako je predložena.“

Predsjedavajući Gradskog vijeća Igor Gavrić je podsjetio gradske vijećnike na proceduru podnošenja amandmana kada se predloženi akt razmatra po skraćenom postupku.

Uvodno izlaganje je podnijela **Amela Kolovrat, pomoćnica Gradonačelnika za finansije**.

U raspravi su učestvovali **gradska vijećnica Snežana Omukić i gradski vijećnik Adnan Talić**, a dodatna pojašnjenja i odgovore na pitanja je dala **pomoćnica Gradonačelnika za finansije Amela Kolovrat, Predsjedavajući Gradskog vijeća Igor Gavrić i gradonačelnik Grada Sarajeva Abdulah Skaka**.

Na zahtjev **Predsjedavajućeg Kluba gradskih vijećnika „Miladin-Vukadin“**, **Predsjedavajući Gradskog vijeća Igor Gavrić** je najavio pauzu u trajanju od 10 minuta.

Predsjedavajući Gradskog vijeća Igor Gavrić je najavio da će, u vrijeme trajanja pauze, sjednice održati Odbor za budžet i finansije i Komisija za Statut i akte, kako bi se izjasnili o podnesenim amandmanima.

Usljedila je pauza.

Predsjedavajući Gradskog vijeća Igor Gavrić je najavio nastavak sjednice uz napomenu da su radna tijela razmatrala amandmane, te da je Komisija za Statut i akte usvojila sljedeći zaključak:

1. „Komisija za Statut i akte smatra da je Amandman Almedina Miladina na Prijedlog Odluke o izmjenama i dopunama Budžeta Grada Sarajeva za 2020. godinu podnesen od strane

ovlaštenih predlagača, u propisanoj formi i u propisanom roku, te se upućuje Gradskom vijeću Grada Sarajeva na razmatranje.

2. Komisija za Statut akte smatra da je Amandman Vedada Deljkovića na Prijedlog Odluke o izmjenama i dopunama Budžeta Grada Sarajeva za 2020. godinu podnesen od strane ovlaštenog predlagača, u propisanoj formi i u propisanom roku, ali ga nije moguće razmatrati jer su sredstva sa predloženih stavki Amandmana već dijelom realizovana.“

Predsjedavajući Gradskog vijeća Igor Gavrić je napomenuo da je Odbor za budžet i finansije usvojio sljedeći zaključak:

„Na prijedlog Predsjedavajućeg, Odbor za budžet finansije konstatuje da će pojedinačno razmatrati svaki predloženi amandman i očitovati se u skladu sa Zakonom o budžetima F BiH i Poslovnikom Gradskog vijeća Grada Sarajeva.

1. Amandman gradskog vijećnika Vedada Deljkovića
Odbor za budžet i finansije je jednoglasno formulisao mišljenje: Amandman podnesen u propisanom roku, u propisanoj formi i od ovlaštenog predlagača, ali ga nije moguće razmatrati u skladu sa Zakonom o budžetima F BiH jer su sredstva sa predloženih stavki Amandmana većim dijelom realizovana.
2. Amandman gradskog vijećnika Almedina Miladina
Odbor za budžet i finansije je jednoglasno formulisao mišljenje: Amandman podnesen u propisanom roku, u propisanoj formi, od ovlaštenog predlagača i u skladu sa Zakonom o budžetima u F BiH, te se upućuje Gradskom vijeću Grada Sarajeva na razmatranje.“

Potom je **Predsjedavajući Gradskog vijeća Igor Gavrić** zatražio izjašnjenje Gradonačelnika o podnesenim amandmanima.

Gradonačelnik Grada Sarajeva Abdulah Skaka je prihvatio amandman gradskog vijećnika Almedina Miladina, koji glasi:

„U Prijedlogu Odluke o izmjenama i dopunama Budžeta Grada Sarajeva za 2020. godinu u Glavi Grantovi neprofitnim organizacijama – konto 614300 u tački 15. Vijeće Kongresa bošnjačkih intelektualaca – Sufinansiranje XI toma enciklopedijskog Rječnika bosanskog jezika autora akademika Dževada Jahića planirani iznos od 5.000 KM povećati na 10.000 KM;

Nedostajuća sredstva od 5.000 KM kojim bi se uvećala gore predložena pozicija, u Prijedlogu Odluke o izmjenama i dopunama Budžeta Grada Sarajeva za 2020. godinu, umanjiti na sljedećim pozicijama:

- Ekonomski kod – Glava Grantovi neprofitnim organizacijama – konto 614300 u tački 28 Gradsko vijeće – nepredviđeni izdaci umanjiti za 2.000 KM, tako da umjesto planiranih 50.000 KM bude 48.000 KM;
- Ekonomski kod – Glava Grantovi neprofitnim organizacijama – konto 614300 u tački 29 Grantovi za nepredviđene izdatke umanjiti za 3.000 KM, tako da umjesto planiranih 50.000 KM bude 47.000 KM.“

Gradonačelnik Grada Sarajeva Abdulah Skaka nije prihvatio amandman gradskog vijećnika Vedada Deljkovića, koji glasi:

„Na kodu 614300, Grantovi neprofitnim organizacijama, uvodi se nova stavka: **Ugradnja lifta u Školi za srednje stručno obrazovanje i radno osposobljavanje** sa iznosom od 70 000 KM. Navedena sredstva se obezbjeđuju sa stavke Sufinansiranje projekata iz oblasti obrazovanja u osnovnim i srednjim školama – iznos od 20 000 KM, i sa konta 613100 putni troškovi 50 000 KM od ušteđenog iznosa.“

Gradonačelnik Grada Sarajeva Abdulah Skaka je prihvatio da se sredstva za **ugradnju lifta u Školi za srednje stručno obrazovanje i radno osposobljavanje** planiraju u Budžetu Grada Sarajeva u 2021. godini, te pozvao Školu za srednje stručno obrazovanje i radno osposobljavanje da se obrati Gradu Sarajevu pismenim zahtjevom, kako bi se mogla provesti formalna procedura, a što je gradski vijećnik Vedad Deljković i prihvatio.

Gradonačelnik Grada Sarajeva Abdulah Skaka je prihvatio da se na poziciji Tekući grantovi javnim preduzećima i ustanovama – Konto 614400 – **Sporazum o saradnji na osnaživanju obrtničke djelatnosti sa Obrtničkom komorom Kantona Sarajevo** sredstva u iznosu od 10.000 KM uvećaju za još 10.000 KM, te istakao da će se naći rješenje sa koje pozicije će se obezbijediti sredstva, obzirom da je Gradsko vijeće Grada Sarajeva, prilikom razmatranja Budžeta Grada Sarajeva za 2020. godinu, usvojilo amandman gradskog vijećnika Adnana Talića da se na navedenoj poziciji planiraju sredstva u iznosu od 20.000 KM, a na šta je, u svojoj diskusiji, gradski vijećnik Adnan Talić i ukazao.

Predsjedavajući Gradskog vijeća Igor Gavrić je podsjetio da amandman Gradonačelnika, kao podnosioca prijedloga akta, postaje sastavni dio prijedloga akta.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 15 glasova „za“, pet glasova „protiv“ i tri „suzdržana“ glasa prisutnih gradskih vijećnika (jedan gradski vijećnik se nije izjasnio) **usvojilo je Odluku o izmjenama i dopunama Budžeta Grada Sarajeva za 2020. godinu, kako je predložena i izmijenjena uvrštavanjem rješenja iz prihvaćenih amandmana.**

Ad 2)

Informacija o izvršenju Budžeta Grada Sarajeva za period 01.01. – 30.06.2020. godine

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrao Odbor za budžet i finansije, te da je mišljenje radnog tijela dostupno gradskim vijećnicima.

Predsjedavajući Gradskog vijeća Igor Gavrić je napomenuo da je Odbor za budžet i finansije usvojio sljedeći zaključak:

„Odbor za budžet i finansije je razmotrio Informaciju o izvršenju Budžeta Grada Sarajeva za period 01.01. – 30.06.2020. godine, te konstatuje da je Informacija sačinjena u skladu sa Zakonom o budžetima u Federaciji BiH, Odlukom o izvršavanju Budžeta Grada Sarajeva za 2020. godinu, računovodstvenim standardima i dinamikom izvršenja.“

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva **primilo k znanju Informaciju o izvršenju Budžeta Grada Sarajeva za period 01.01. – 30.06.2020. godine.**

Ad 3)

Vijećnička pitanja i inicijative

Predsjedavajući Gradskog vijeća Igor Gavrić najavio je razmatranje vijećničkih pitanja i inicijativa, te pozvao zamjenicu **Predsjedavajućeg Gradskog vijeća Edinu Gabelu** da nastavi vođenje sjednice.

1. **Gradski vijećnik Velija Katica** uputio je **inicijativu** u kojoj je zatražio da Grad Sarajevo pruži podršku obnovi Firuz-begovog hamama koji se nalazi u veoma lošem stanju, a koji je proglašen nacionalnim spomenikom Bosne i Hercegovine.

Zamjenica Predsjedavajućeg Gradskog vijeća Edina Gabela je zaključila rad 41. sjednice Gradskog vijeća Grada Sarajeva i najavila održavanje 42. sjednice Gradskog vijeća u srijedu, 28.10.2020. godine, u Vijećnici.

Sjednica Gradskog vijeća Grada Sarajeva završena je u 12 sati.

Sastavni dio ovog zapisnika je izvornik i tonski snimak o radu Gradskog vijeća Grada Sarajeva, koji se čuvaju u Gradskoj službi za Gradsko vijeće.

SEKRETAR GRADSKOG VIJEĆA

Safet Krajišnik, s.r.

PREDSJEDAVALJUĆI GRADSKOG VIJEĆA

Dr. Igor Gavrić, s.r.